

---

## AKT THEMELIMI

### "E A" SHPK

#### 1. Forma ligjore, emri i shoqërisë dhe ortaku themelues

Emri i shoqërisë do të jetë "**E A**" SHPK, nga këtu e më poshtë referuar edhe si "shoqëria", e cila themelohet si një shoqëri tregtare në formën e "Shoqërisë me Përgjegjësi të Kufizuar" ose "SHPK".

Shoqëria zotërohet nga dy ortak, përkatësisht:

- **Zj.Amanda Shameti**, atësia Arben, amësia Xhuljana, shtetase Shqiptare, lindur në Pasubio, Itali (ITA) dhe banues në Tiranë, me adresë Rruga: "E Kavajës", lindur më 01/04/2000, , madhore, me zotësi të plotë juridike për të vepruar, mbajtëse e Letërnjoftim ID Nr. 033652316 dhe Nr. Personal K05401049W.
- **Zj.Sabina Xhafa**, atësia Kosta, amësia Selvi, shtetase Shqiptare, lindur në Korçë dhe banues në Korçë, me adresë Rruga: "Marko Kita", lindur më 19/01/2002, madhore, me zotësi të plotë juridike për të vepruar, mbajtëse e Letërnjoftim ID Nr. 035635192 dhe Nr. Personal K25119027G.

#### 1. Objekti i veprimtarisë.

Objekti i veprimtarisë së Shoqërisë do të jetë:

- **Njësi Shërbimi**, shërbim prerje dekore në forma të ndryshme EPS, dekore të jashtme dhe të brendshme, kundraforma betoni dhe pilota.
- Dekore polisteroli për fasada ndërtesash
- Veprimtari në fushën e zbatimit të projekteve të ndryshme, punime të personalizuara
- Panele murale dekorative 3D

Pa u kufizuar në sa më sipër, shoqëria mund të kryejë çdo aktivitet të lejuar dhe në përputhje me legjislacionin në fuqi.

---

Objekti i veprimtarisë së Shoqërisë mund të ndryshohet me vendimin e Asamblesë së ortakëve.

## 2. Selia e shoqërisë.

Selia e Shoqërisë do të jetë në adresën:

- **Rruga: "Aleksandër Marteli", Shkozë, Tiranë.**

Shoqëria mund të hapë degë dhe/ose zyra përfaqësie, brenda dhe jashtë territorit të Republikës së Shqipërisë, si dhe mund të marrë pjesë në shoqëri të tjera shqiptare dhe/ose të huaja, që ekzistojnë ose do të krijohen në të ardhmen.

## 3. Kohëzgjatja e shoqërisë.

Afati i veprimtarisë së Shoqërisë është **i pacaktuar**. Ky afat fillon nga data e regjistrimit të saj në Regjistrin Tregtar të Qendrës Kombëtare të Biznesit.

## 4. Kapitali themeltar.

Kapitali themeltar i shoqërisë është **ALL 100** (njëqindë lekë).

Kapitali ndahet në 2 (dy) pjesë/kuota.

- Ortaku, **Amanda Shameti**, zotëron 50% të kapitalit themeltar, ose 1 (nje) pjesë/kuota, me vlerë nominale **50 ALL (pesëdhjetë lekë)**
- Ortaku, **Sabina Xhafa**, zotëron 50% të kapitalit themeltar, ose 1 (nje) pjesë/kuota, me vlerë nominale **50 ALL (pesëdhjetë lekë)**

Pjesët e kapitalit themeltar janë lirisht të transferueshme ndërmjet ortakëve. Kapitali themeltar është lirisht i transferueshëm në rast trashëgimie, në rast ndarje pasurore mes bashkëshortëve apo paraardhësve e pasardhësve.

Pjesët e kapitalit themeltar janë lirisht të transferueshme tek të tretët, qofshin këta subjekte shqiptarë apo të huaj, persona fizikë apo juridikë.

---

## 5. Organet vendimmarrëse të shoqërisë.

Organet vendimmarrëse të shoqërisë janë:

- Asambleja e Ortakëve.
- Administratori.

Asambleja e Ortakëve përbëhet nga ortakët e shoqërisë. Ajo drejtohet nga administratori i shoqërisë ose nga çdo person tjetër i zgjedhur nga ortakët.

### 6. Asambleja e ortakëve ka këto kompetenca kryesore:

- ndryshimi i dispozitave të statutit,
- zmadhimi ose zvogëlimi i kapitalit,
- emërimi dhe ndryshimi i administratorit, likuiduesve dhe ekspertit kontabël,
- miratimi i shpërblimeve të administratorit, likuiduesve dhe ekspertit kontabël,
- miratimi i llogarive vjetore (bilancit),
- ndryshimi i formës ligjore të shoqërisë,
- mbyllja dhe shpërndarja e parakohshme shoqërisë si dhe të tjera të përcaktuara në legjislacionin shqiptar tregtar në fuqi.

Asambleja e ortakëve mbledhet të paktën një herë në vit dhe sa herë që duhet të vendosë për çështje të kompetencës së saj. Mbledhja mund të realizohet edhe nëpërmjet video-konferencës.

Mbledhja e Asamblesë thirret nga Administratori ose nga ortakët që përfaqësojnë të paktën 5% të kapitalit themeltar. Asambleja thirret me anë të një njoftimi me shkrim që u dërgohet ortakëve të paktën shtatë ditë përpara datës së mbledhjes. Njoftimi mund të dërgohet edhe nëpërmjet postës elektronike por në çdo rast duhet të përmbajë ditën, orën, vendin si dhe rendin e ditës me çështjet që do të trajtohen.

Ortakët mund të përfaqësohen në mbledhje nga persona të tjerë, bazuar në një prokurë të lëshuar paraprakisht, prej tyre.

## 7. Vendimmarrja

Në rastin e marrjes së vendimeve që kërkojnë një shumicë të zakonshme, asambleja e ortakëve mund të marrë vendime të vlefshme, vetëm nëse marrin pjesë ortakët me të drejtë vote që zotërojnë më shumë se 30% të kapitalit të shoqërisë.



---

Në rastin e marrjes së vendimeve që kërkojnë një shumicë të kualifikuar, asambleja e ortakëve mund të marrë vendime të vlefshme, vetëm nëse marrin pjesë ortakët me të drejtë vote që zotërojnë më shumë se 50% të kapitalit të shoqërisë.

Asambleja e shoqërisë, vendos me 75% të kapitalit pjesëmarrës (të përfaqësuar nga ortakët), siç parashikohet në pikën 12.2 më sipër, për ndryshimin e statutit, zmadhimin dhe zvogëlimin e kapitalit, shpërndarjen e fitimeve, riorganizimin dhe prishjen e shoqërisë. Në rastet e tjera, asambleja e shoqërisë, vendos me më shumë se 50% të votave të ortakëve pjesëmarrës në mbledhje.

Të gjitha vendimet e Asamblesë duhet të regjistrohen në një procesverbal, ku shënohet data, vendi, rendi i ditës, emri i drejtuesit të mbledhjes dhe mbajtësit të procesverbalit, çështjet kryesore dhe vendimet e marra. Procesverbali nënshkruhet nga Kryetari dhe Sekretari (mbajtësi i procesverbalit).

## **8. Administratori.**


Administratori emërohet për një mandat 5 (pesë) vjeçar. Ai zëvendësohet ose shkarkohet nga kjo detyrë me vendim të Asamblesë së Ortakëve. Mandati është i rinovueshëm.

Administrator i parë i shoqërisë do te jete ortaku:

- **Amanda Shameti**, atësia Arben, amësia Xhuljana, shtetase Shqiptare, lindur në Pasubio, Itali (ITA) dhe banues në Tiranë, me adresë Rruga: "E Kavajës", lindur më 01/04/2000, madhore, me zotësi të plotë juridike për të vepruar, mbajtëse e Letërnjoftim ID Nr. 033652316 dhe Nr. Personal K05401049W.

Administratori, ndër të tjera, ka të drejtë: të drejtojë veprimtarinë e përditshme të shoqërisë, të përfaqësojë shoqërinë në marrëdhënie me të tretët, të paraqesë para Asamblesë së ortakëve propozime dhe raporte lidhur me aktivitetin e shoqërisë, të çelë llogari bankare në emër të shoqërisë, si dhe të drejta të tjera të cilat mund t'i njihen nga ligji dhe Asambleja e ortakëve.

Administratori, bazuar në një vendim të asamblesë së ortakëve, mund të emërojë drejtorë, përfaqësues me prokurë dhe të mandatuar të përgjithshëm për veprime të caktuara ose kategori veprimesh.



---

Administratori i shoqërisë nuk mund të shesë dhe/ose blejë pasuri të paluajtshme në emër dhe për llogari të shoqërisë, pa marrë më parë miratimin paraprak me shkrim të asamblesë së ortakëve.

#### **9. Kontrolli financiar**

Asambleja e Ortakëve mund të emërojë një apo disa ekspertë kontabël të cilët kanë detyrën të kryejnë kontrollin kontabël dhe financiar të shoqërisë.

#### **10. Viti financiar**

Viti financiar i Shoqërisë përputhet me vitin kalendarik, duke filluar nga 1 Janari dhe përfundon më 31 Dhjetor të çdo viti.

Si përjashtim, viti i parë financiar i veprimtarisë së Shoqërisë fillon nga data e regjistrimit të saj në Regjistrin Tregtar të Qendrës Kombëtare të Regjistrimit.

#### **11. Bilanci dhe Dividendët**

Në fund të vitit ushtrimor, administratori, merr masa për përgatitjen e bilancit. Bilanci u paraqitet ortakëve për miratim, brenda afateve ligjore.

Asambleja e ortakëve që miraton bilancin vjetor, vendos mbi shpërndarjen e fitimit ortakëve ose krijimin e rezervave si dhe krijimin e rezervave ligjore.


Deri në shlyerjen e investimit fillestar, ortakët bien dakord që në rast se shoqëria do të realizojë një fitim vjetor, nga shpërndarja e dividendëve përkatës do të përfitojnë vetëm ortakët që zotërojnë respektivisht nga 30% të kuotave. Më pas dividendët do tu shpërndahen të gjithë ortakëve të shoqërisë, proporcionalisht me përqindjen e zotërimit të kuotave.

#### **12. Likuidimi i shoqërisë.**

Në rast prishje të shoqërisë, likuidimi apo falimentimi, shoqëria do të likuidohet në përputhje me dispozitat në fuqi në legjislacionin shqiptar.

### **ORTAKËT E SHOQËRISË**

**Zj.Amanda Shameti**



[emër mbiemër dhe nënshkrimi]

**Zj.Sabina Xhafa**



[emër mbiemër dhe nënshkrimi]

**Datë 01.11.2024**